

ԵՐՈՒՍԱՂԵՄԻ ՀԱՅՈՑ ՊԱՏՐԻԱՐՔ ՊՈՂՈՍ ՎԱՆԵՑՈՒ  
ՆԱՄԱԿԸ ԱՐՅԱԽԻ ՄԵԼԻՔՆԵՐԻՆ

Երուսաղեմի Հայոց պատրիարք Պողոս Վանեցու՝ 1772 թ. մայիսի 10-ին Արցախի մելիքներին ուղղած նամակի կրկնօրինակը գտնվում է Երուսաղեմի Ս. Հակոբյանց վանքի ձեռագրատանը **3221** թվահամարի տակ պահվող «Օրինակք պաշտօնագրոց» ժողովածուի 113-115-րդ էջերում<sup>1</sup>: Ձեռագրի հիշատակարանում կարդում ենք. «Շնորհօք ամենագորին Աստուծոյ ի ՌՄԺԸ. (1769) թուին, յուլիս ԻԷ. (27), ի պատրիարգութեան Սրբոյ Քաղաքիս Երուսաղեմի՝ տեառն Պօղոսի երջանիկ ռաբունապետի եւ արքեպիսկոպոսի Վանցոյ, եղև սկիզբն գրութեան օրինակաց գրոցս, զի զբազմաց հարկաւորական գրելեաց յամենայն պետս Սրբոյ Աթոռոյս՝ զօրինակս պարունակէ նիքեան, այսինքն՝ նուիրակական կոնդակաց, հանդերձ անուամբք իւրաքանչիւրոց թեմից, քաղաքաց, դասապայից եւ գիւղից...»<sup>2</sup>:

Այս նամակով Երուսաղեմի Հայոց պատրիարքը նյութական աջակցություն է խնդրել Խամսայի մելիքներից, սակայն Արցախի պատմության ուսումնասիրության տեսանկյունից ոչ այնքան կարևոր է սույն վավերագրի բովանդակությունը, որքան նամակի առկայության բուն փաստը: Հայտնի է, որ այդ ժամանակաշրջանում Արցախի մելիքությունները հայ իրականության մեջ մնացել էին առավել ազդեցիկ աշխարհիկ իշխանությունը, որոնց վրա էլ իր հայացքն էր ուղղել Երուսաղեմի Հայոց պատրիարքը<sup>3</sup>:

ԱՐՏԱԿ ՄԱՂԱԼՅԱՆ

(113) Ի ՌՄԻԱ. (1772) ԹՈՒԻՆ ԵՒ Ի ՄԱՅԻՄԻ Ժ. (10).


ՄՂԱՍՂՈՒ ՄԵԼԻՔՆԵՐԻՆ, ԱՅՄԻՆՔՆ՝ ՄԵԼԻՔ ԵՍԱՅԻՒՆ, ՄԵԼԻՔ ԱՐԱՍԻՆ, ՄԵԼԻՔ ԻԻՍՈՒՖԻՆ, ՄԵԼԻՔ ՄԻՐՉԱԽԱՆԻՆ, ՄԵԼԻՔ ՇԱՀՆԱԶԱՐԻՆ. ՁԵՌԱՍԲ ՂԱԶԱՆՉԵՑԻ ՄԱՀՏԵՄԻ ՄԿՐՏՉԻՆ ԳՐԵՑԱՔ

*Եւ ընդ Աստուածապարզն և շնորհաբաշխ օրինութեանս ծանիցէ բարեպաշտութենէ Աստուածասէր իշխանիդ. զի գրէ սրբազան Առաքեայն Պօղոս առ սիրելի աշակերտն իւր Տիմօթէոս, բացայայտելով զպատճառ մար-*

<sup>1</sup> Ն. արք. Պողոսյանի կազմած ձեռագրացուցակում սույն պաշտոնագրերի ժողովածուն նկարագրված է այսպես. «Օաւալ 36 x 24,5 x 3: Էջք 198: Հանգամանք՝ բաւարար, նորոգութիւն կրած: Թուղթ սպիտակ, թանձր: Գրութիւն՝ խորագիրները եւ սկզբնատառերը կարմիր, մնացեալը սև մելանով, միասին, 33 տող, կարմիր գիծերու միջեւ: Նտոր շեղագիր: Համառոտագրութիւնք առատ: Կաշեկազմ: Դատարկ թուղթ սկիզբը մէկ թերթ» (տե՛ս Մայր ցուցակ ձեռագրաց Սրբոց Յակոբեանց, կազմեց՝ Ն. արք. Պողոսեան, հ. 9, Երուսաղէմ, 1979, էջ 521):

<sup>2</sup> Նույն տեղում, էջ 521:

<sup>3</sup> Մեր խորին երախտագիտությունն ենք հայտնում Երուսաղեմի Հայոց պատրիարք տ. Թորգոմ արք. Մանուկյանին և նրա քարտուղար հ. Բասահակ Մինասյանին՝ մեր խնդրանքին ընդառաջելու և սույն վավերագրի լուսապատճենը մեզ տրամադրելու համար:



Երուսաղեմի Հայոց պատրիարք Պողոս Վանեցու՝ Արցախի մելիքներին ուղղած նամակի առաջին էջ

դեղութեան Տեառն մերոյ, ասելով՝ Յիսուս Քրիստոս եկն յաշխարհ փրկել զմեղաւորս\*։ Եւ սուրբ Առաքեալն Պետրոս ասէ՝ Քրիստոսի չարչարիլն վասն մեր\*\*, և դուք ի նոյն միտս վառեցարուք, յորոց և յայլոց այսպիսեաց յոյժ բազում վկայութեանց Աստուածայնոց սուրբ գրոց յայտնապէս ուսանիմք, թէ որդւոյն յԱստուծոյ՝ որդի մարդոյ լինիլն վասն փրկութեան անկելոյ մարդկային բնութեանս եղն։ Եւ այս ոչ վասն գործոց մերոց, այլ վասն իւրոյ ամենառատ մարդասիրութեանն, խոնարհեալ յիւր անհասանելի փառացն, զգեցաւ մարմին՝ ծնեալ ի կուսէն, մարդ եղն վասն փրկութեան մարդկան՝ անփոփոխելի գոլով ի յեութեան, որ և յանձն էառ զբազում նեղութիւնս և զվիշտս աշխարհի ի ստեղծուածոց իւրոց կամաւորապէս։ Եւ ի վախճանի կատարման ամենայն տնօրէնութեանն, էհեղ զՊատուական և զԱստուածային Արիւնն իւր ի վերայ Քառաթն խաչին՝ բազում և անթիւ չարչարանօք, զորս մի ըստ միոջէ ոչ որ կարէ ճառել, և մեռեալ մարմնով եղաւ ի գերեզմանի, յետ երից աւուրցաւ երեւալ զդժոխս, յարեաւ փառօք և համբարձաւ յերկինս, նստաւ ընդ աջմէ Հօր, յորմէ ոչ երբէք էր բաժանեալ, որ և գալոց է դատել զկենդանիս և զմեռեալս\*\*\*, որպէս ուսուցանեն մեզ Աստուածային գիրք։

Եւ զայսոսիկ ո՛վ Աստուածասէր իշխան, ոչ այլ ինչ պատճառաւ արար, եթէ ոչ վասն փրկութեան մարդկան, որ գերի եղեալ էր բոլոր բնութիւն մարդկային ի ձեռն սատանայի, և ոչ յայլ ուրեք եցոյց զայս անճառելի մարդասիրութիւնս, եթէ ոչ ի յայս օրհնեալ Աւետեաց երկիրս և ի Սուրբ Քաղաքս Երուսաղէմ, որում ամենայն հաւատացեալ Քրիստոնէայք ցանկան և փափաքին, և որոք կարողանան, ոմանք զաշխատանս և զբազում ծախս ընչից յօժարաբար յանձն առնելով՝ զան յուխտ և յերկրպագութիւն սրբոց փրկագործ տնօրինական տեղեացս և առեալ զօրհնութիւն սոցին՝ մանաւանդ Սրբոյ Աստուածընկալ և լուսաբոլոյի գերեզմանին Քրիստոսի Տեառն մերոյ, և խաղաղութեամբ դառնան իւրաքանչիւրք ի յերկիրս և ի բնակութիւնս իւրեանց և ոմանք զողորմութիւնս, զընծայս և զնուէրս, և կամ զձիշատակիս՝ արծաթեղէնս և ոսկեղէնս, և զայլ նմանս սոցին յղեն ի Սուրբ Քաղաքս, կամ ձեռամբ նուիրակաց (114) և կամ ձեռամբ եկօղ ուխտաւորաց, որոց և իւրաքանչիւրոց օրհնութեան կոնդակ ուղարկեմք. և նոքա այնու զփափաքս սրտից իւրեանց լցուցանեն։

Բայց ի մէջ այսքան բազմութեանց ուխտաւորաց՝ մեծատանց և աղքատաց, որք վասն սիրոյ Սուրբ Տեղեացս զաղքատութիւնս իւրեանց մոռացեալ՝ զան յերկրպագանել Սրբոյ Աստուածընկալ գերեզմանին Քրիստոսի Տեառն մերոյ. մինչ ի ձեր օրհնեալ երկրէդ ոչ որ գտանի աստ, զի գոնէ ձեռամբ նորին օրհնութեան կոնդակ յղեսցուք Աստուածասիրութեան ձերում։ Յոյժ ցաւիմ և ամսոսամ վասն սիրելեացդ իմոց, որք կարօղ գոլով, և ողորմութեամբն Աստուծոյ սօլվաթաւոր և առատաձեռն՝ ոչ հրամայէք և եկեալ զօրհնութիւն Սուրբ Տեղեացս վայելէք, և զօրհնեալ մահտեսական անունն՝ հանդերձ թողութեամբ մեղաց առեալ՝ վերադառնայք խաղաղութեամբ ի յօրհնեալ տունս և ի բնակութիւնս ձեր։ Եւ մեք հոգևորապէս Հայր գոլով հասարակաց, որ զամենայն աշխատանս և զցաւս Սրբոյ Աթոռոյս ի փառս Քրիստոսի յոժարութեամբ յանձն առեալ կրեմք վասն այնորիկ, զի նախ նա ինքն զչարչարանս և զմահ կամաւորապէս յանձն էառ վասն մերոյ փրկութեան, անպարտ և անարատ գոլով ըստ ամենայնի, որոյ զկաթիլ մի ի քրտանցն ոչ արժէ բովանդակ չարչարանք

\* Ա. Տիմ. Ա. 15:

\*\* Ա. Պետ. Դ. 1:

\*\*\* Ա. Պետ. Դ. 5:

աշխարհի, և զի, եթե նա այնքան սիրեաց զանկեալ բնութիւնս մարդկան, մինչև զանձն իւր եղ ի վերայ նորա կամաւորապէս:

Մեծ ինչ իցէ, եթէ հաւատացեալքն զանցաւոր աշխարհիս ի նմանէ պարզեալ ստացուածս ծախեալ ի փառս Անուան նորա, պատուեցեն զՍուրբ Գերեզման իւր շնորհաբաշխ, որպէս և առնեն իսկ յամենայն կողմանց՝ դիմելով ի Սուրբ Երկիրս, վասն սիրոյ Սուրբ Տեղեացս: Եւ զայս ասեմ սիրելի ոչ այնքան մարմնաւոր օգտի - աղագաւ, որքան փրկութեան հոգւոց ձերոց, զի Աստուած, որ մինչև ցայժմ շէն և պայծառ պահեալ է զՍուրբ Աթոռս իւր, այսուիւետն ևս կարօղ է պահել, այլ կամիմ, զի դուք սիրելիքդ մեր՝ գոլով հաւատացեալք Քրիստոսի և բարեպաշտք, մի՛ գրկեցիք ի շնորհաց Սուրբ Տեղեացս, զոր ամենայն հաւատացեալք վայելեն. թէպէտ և մարմնաւոր գոյիք օգնական լինիլն Սրբոյ Տանս չիցէ պակաս բարեգործութիւն, որով աղքատ միաբանից մարմնաւոր ապրուստն հոգալով՝ հանապազ աղօթեցեն վասն ամենայն հաւատացելոց՝ մանաւանդ ողորմութիւն տուողաց, զի լինիցի ձեր առաւելութիւնն ի նոցա նուագութեան, և նոցա առաւելութիւնն ի ձեր պակասութեան, որպէս Առաքեալն ասէ\*:

Եւ որովհետև ի բազում ժամանակաց հետէ ի յօրհնեալ երկրէդ ձերմէ կամ վասն անհանգստութեան, և կամ այլ ինչ պատճառաւ ուխտաւոր կամ ողորմութիւն չէ եկեալ ի Սուրբ Քաղաքս յայսմ ամի, սիրելիքն մեր՝ դազանչեցի մահտեսի Մկրտիչն, աստ հանդիպելով՝ ծանոյց մեզ զբարեպաշտութենէ սիրելւոյդ և զխաղաղութենէ երկրիդ, վասն որոյ յոյժ ուրախացաք, և գոհանալով խնդրեմք յԱստուծոյ, զի խաղաղութեամբ և միշտ սիրով պահեսցէ զձեզ, փրկելով յերևելի և յաներևոյթ թշնամեաց, և զօրացուցէ զձեզ յաղթող լինիլ ընդդէմ հակառակորդաց հաւատոյ: Այլն (115) զիտասցէ բարեպաշտութիւնդ, զի որ զբարիս գործէ՝ զհատուցումն գործոցն միայն ընդունի ի Տեառնէ, իսկ որ այլոց բարեաց ևս պատճառ լինի, կրկին վարձս ստանայ, ուստի խնդրեմք ի սիրելւոյդ, զի գոլով իշխօղ և մեծաւոր ի վերայ օրհնեալ նահանգիդ հաւատացելոցն, նախ դու՝ օրհնեալդ ի յԱստուծոյ, սկիզբն արասցես նորագոյն բարեգործութեան՝ զսէրդ առ Սուրբ Երուսաղեմս հաստատելով, և եթէ հրամայես ընդ քեզ և զայլ յորդորելով՝ զալ ի յուխտ և յերկրպագութիւն Սուրբ Տեղեացս յոյժ բարւոք առնես, ապա թէ այս պատճառաւ իւրիք անկարելի լիցի վասն իշխանական կառավարութեանդ, կարօղ էս զայլս յորդորմամբ յղեալ, նան ի հեռաստանէ օգնութիւն առնել Սրբոյ Տանս, զի ի մէջ բազում նեղութեան էմք, զոր մահտեսի Մկրտիչն կուպատմէ բարեպաշտութեանդ:

Այլն յորժամ մեր նուիրակն տեղդ կուգայ, Աստուծոյ համար տիրութիւն առնես. կամ զայլ սօլվաթաւորսն ևս՝ յորդորելով օգնութիւն առնէք և զոր ինչ ողորմութիւն նուիրակին տայք, այնպէս կու համարիմք, թէ եկիք ուխտ արարիք. և միշտ աղօթող էմք վասն կենդանեացդ և ննջեցելոցդ ձերոց առ Տէր, զի զբազմապատիկ վարձս բարեաց պարզեցէ ձեզ աստ և ի հանդերձելումն, որ և սիրոյ գիրդ անպակաս առնելով. լէր ողջ, բաւ է:

\* Բ. Կորն. Ը. 14